

癰

疽

秘

灸

經

癰疽神祕灸經序

人具五臟之形而氣血之運必有以踈載之其流則曰歷曰循曰經曰至曰抵其交際則曰會曰過曰行曰達者槩又所謂十二經焉十二經左右手足各備陰陽者三陰右而陽左也陽順施而陰逆施以三陽言之則太陽

火陽陽明、則陽有大少也矣。而有陽明者、取
陰陽合明之意也。以三陰言之、則太陰少陰
厥陰、陰既有太少矣。又有厥陰者、取兩陰交
會之義也。非徒經之有十二、又有系統者、爲
系統之數三百六十五所。附經而行、週流
不息。若陰陽維蹻衝帶六脉、皆有所繫。惟任

督二經則包乎腹背而有專穴諸經滿而溢者則受之初不可常而忽焉宜與諸經並論

通考其穴三百五十又七此人身之常遍也

槩經血所滯發而爲癰疽爲疔瘻此皆氣血不能通之謂也歷觀諸經傳變不一是經之滯當審何經所發何穴所滯辨視其穴測用

火以攻之，踈其源流而無滯也。猶如溝渠塞其庭水泛溢。充今胡元慶先生深窮妙理，週遍玄微，遂緝十二經所滯之穴，毫端妙理用以廣生民之福，同躋仁壽之域也。

至正甲子永昌楊子成序

癰疽神祕灸經序

人身之氣血，晝行陽，二十一度，夜行陰，一十五度，如環無
端，會於寸口，是為真息。滯於壅
腫，或久淹，七情飲食起居，一所傷，
則癰疽疔腫之症發，焉治者察

其受症之經，灸其應症之穴，使氣血流暢，隧道疎通，其功為捷。或灸而毒不解，飲其漬飲，然後投之以湯藥而輔其不逮，尤當審各經氣血多少，地部遠近，稟賦虛實，而用之輒用，攻刲之劑。

未及患所而腸胃先傷反有所
得故上古之治一疾針灸為尚而
湯藥次之前元鶴溪胡先生著
神祕灸經我朝節菴陶先生集
神祕驗方探玄發微灸藥之功
具載二先生之用心可謂精矣

後之醫者必合是二書而後可
取今功予嘗訪吾鄉貞菴都憲
周公出是書示予曰子宜發明
之以惠斯人噫公之心仁矣哉
予因喜而嘆曰予家舊有是書
亡失者幾年今復得之其斯人
失者幾年今復得之其斯人

之幸式、但其穴其方有未詳輒
按針灸家盡以圖其穴之所，在
或一穴而可兼治者、六明著之
至于各一方之劑、辨其性之寒熱
溫涼、別其証之陰陽虛實、補其
缺略、鍛練以傳、俾後之君子酌

而用之庶矣前人幾微簡要之法傳於世而不及泯云

嘉靖丁亥孟冬吉日南京太醫院院判

吳郡薛已謹識

癰疽神祕條經

元鶴溪 胡元慶 著

吳郡 立齊薛已 校補

浪華 佐野古菴 謹副

國字 門生原泰菴 校正

手太陰肺經

肺之爲臟六葉兩耳四垂如蓋附着脊之第三椎中
有二十四行分布諸臟清濁之氣爲主宰華蓋手太
陰之脉起於中焦下絡大腸還循胃上膈肺間起發
也經遠也還復也循歟也中焦者胃中脘臍上四寸

是也。憂患太過，則當胃發爲疽，內堅如石，外皮走動不赤，微腫惡寒，恶心偏於右者，胃癰也；偏於左者，胃疽也。三毒之發無有不先寒而後熱，引臍走疼，欲吐不吐，甚則咳嗽，膿痰，脈浮大而赤者，不治治法當灸曲池一穴，七壯毒左，灸右，毒右，灸左，遂愈。

愚按針灸經云：曲池一穴，在肘外輔骨曲肘以手拱胸取之，紋盡處是穴。又淮風刺瘡，疹或痒痛或遍身疼痛，或皮膚頑疥，如虫喫，搔之皮脫成瘡，隨患入年歲，壯數灸之。上部疔腫發背，癰疽，渾身瘡毒，小兒丹毒及癰瘍，四肢拘攣，或紅腫疼痛，歷節。

諸風尤效

肺疽一名肺癰其症之發蓋因心火太盛迫於肺金之故也得此疾者無不戰寒鼻塞咳嗽口臭咽乾胸悶氣短當急灸合谷七壯甚者吐痰如米粞者莫治尤當灸腎俞二十七壯令益腎水水能剋火火靜而金自安也

愚按針灸經云合谷二穴在手太指歧骨間陷中又治鼻痔及不聞香臭牙齦久爛不愈及風熱癰瘍手背紅腫作痛有殊效凡瘡毒久不合灸此穴各七壯至七七壯極驗更服托裡藥○腎俞二穴

在十四椎下兩旁各寸半與膕平

至見膀胱一經圖

君癰在肩上按之至痛酸半體者是也甚者令人身熱惡寒當灸太淵穴三七壯便毒流通而自愈也

愚按發揮云太淵二穴在掌後橫紋陷中又治面上白疔肺癰咳嗽吐膿血或氣攻兩乳作癰及上牙疼臂癰治法太淵穴灸七壯

手太陰肺經圖



手陽明太陽經

手陽明起於商陽二間三間合谷陽谿偏歷下廉三里上曲池肘髎迎香五里臂臑肩頤巨骨當天門扶突禾髎終於迎香週流二十穴復流而已蓋此經氣血所滯發之爲疽爲癰爲腫爲毒隨症治之先蹠其湍何患不痊

蜂窠疽生於左肩下一寸其疽之發先熱後寒皮赤四十九竅如蜂窠急灸二間十七壯使毒氣無滯

愚按針灸經云三間一穴一名少谷在手太指次指本節後內側膚中


乳癰之發其症不一有發在於乳上曰乳氣乳左曰侵囊乳右曰乳疽乳下曰乳岩當乳頭所發曰乳毒俱當灸足三里并肩頸各七壯滯散而痊也

愚按發揮云肩頸二穴在肩端兩骨間陷中舉臂有空是穴○三里二穴在膝眼下三寸筋外廉兩筋間當舉足取之又治腰膝痠痛或欬腫疼痛凡寸俱用同身寸圖見後

顧疔之發發於當面顧上其色白其頭陷如鼻有黑氣者不治治法當灸偏歷二十七壯

愚按發揮云偏歷二穴在腋中後三十寸

手陽明大腸經圖



足陽明胃經

足陽明經之流行從鼻交頰中旁約太陽之脈下循
鼻外上入齒中還出挾口環唇下交承漿頰鼻之山
根是也此經起於鼻兩傍迎香穴左右相交爲額過
睛明之下循鼻外歷承泣通於伏兔流於巨虛過流
而注蓋其經之血氣所瀰發症多矣法當分而治之
髮疽之發發於當面入髮三分是○鬚疽之發於耳
旁入髮者是也○唇癰發於當唇是也○牙癰當牙
根之所發於上者牙癰下者牙疽頑起牙者牙疔也
或牙縫突肉所起者亦牙疔也治法灸神授二十七壯

隨人太指上直去骨罅處起用患人手一跨

愚考神授穴諸書皆無蓋祕法也

髮疽灸鍼盆七壯

愚案針灸經云鍼盆二穴一名天蓋在眉下橫骨陷中如瘰癧患在此穴卽於此穴灸之亦效

鬚疽灸伏兎七壯

愚按灸揮二云伏兎二穴在膝上六寸起肉正跪坐而取之二云膝蓋上七寸

唇疽灸犢鼻七壯

愚案針灸經云犢鼻二穴在膝臍下筋骨上骨解

太筋中又治膝中痛不仁難跪起膝臍腫潰者不可治不潰者可療若堅硬且勿攻先以洗熨卽微刺之愈

牙疽當灸足外踝骨尖上三壯

愚考諸書皆無此穴乃祕法也又治霍亂轉筋及卒然轉筋欲死者急灸足外踝尖各三壯如菉豆大若轉筋在股內灸內踝尖轉筋在外股灸外踝尖神驗針經云凡疽卒著五指筋急不得伸屈灸踝骨中尖數壯立瘥氣毒流注發於此經從趺盆骨起流注氣合復至天樞走注有九箇莫治治法

當灸梁丘七壯，愚按發揮云梁丘一穴在膝上
一寸兩筋間

足陽明胃經圖



足太陰脾經

足太陰之脈起於足太指之端循指內側白肉旁過
審骨後上內踝前廉覈骨今作孤拐骨是逆流注冲
陽之所行陰行陽二氣之所滯發而爲疽其發不一
對證疽之腸癰之發於右腸下長五寸許闊三寸微
腫甚者戰寒小腹痛也當灸衝門二七壯左右同法
愚按發揮云衝門二穴上去大橫五寸在府舍下
橫骨端的中動脈

陰疽之發在足內股其形長其濶一寸許上而發下
易治下而發上難治其色微赤痛甚曲膝不能伸

是也當灸商丘七壯

愚按發揮云商丘一穴足內踝下微前陷中腹癰之發發於臍下橫而腫微赤甚痛牽引背痛是也當灸箕門七壯

動麻應手是穴

魚口疽一名橫痃發於左者曰痃發於右者曰疽橫痃爲便毒當灸足太指端二壯穴在指甲後二毛間

愚按針灸經云二毛間即太敦穴也在足太指聚

毛中


鶴膝風在膝內股當膝腫疼甚者見青筋引心痛是也當灸二陰交七壯甚則二七壯待膝伸直爲住再甚則當膝項灸七壯○脚氣亦多此穴

愚按針灸經云三陰交一穴在內踝上三寸骨下陷中○膝項諸書無載蓋祕法也

穿骨疽在內踝骨中發癰內外甚痛不能行動者是也當灸頸患足太指端三壯穴見前

足太陰脾經圖

十三



手少陰心經

手少陰之脈起於心中出屬心系下鬲絡小腸心系
有二穴一則於肺相通而入肺兩太葉間一則由肺葉
而下曲折向後並脊膂肺絡相連貫脊髓與腎相通
正當七節之間蓋五臟系皆通於心而心通五臟系
也手少陰經起於心循任脉之外屬心系下鬲當腑
上二寸分絡小腸其支也蓋其經氣血所滯發症者
六疎通之

喉癰之發正於咽喉之下赤腫連喉痛甚不能下飲
者是也當灸火冲七壯

愚按針灸經云少冲二穴一名經始在小指內廉
端去爪申角如韭葉又治口舌患疔毒及舌腫大
常治甚者更針舌青筋出益尤良

氣壅之發在於胸間乳上一寸赤腫痛甚引心者是
也當灸靈道七壯

愚按發揮云靈道穴在掌後一寸五分

膿疽之發正於臂上連肩青腫長而堅者是也當灸

小海七壯

愚按針灸經云小海穴在肘內太骨外去肘端
五分陷中屈手向頭取之又治腋下癰瘍不問腫

潰並效。臂疼不龍神及齒齦爛或齒寒、腦風頭痛尤效。

腋疽亦灸少海穴七壯

穴見
干前

穿骨疽之發正手掌後三寸許兩筋間大如鵠子堅如石按之至骨痛甚者是也當灸神門七壯

愚按針灸經云神門一穴一名兌衝在掌後兌骨

端中

冤疽亦灸神門穴七壯

穴見
干前

喉風喉閉灸少商少冲二穴七壯

愚按針灸經云少商二穴在手太指端內側去爪

離鬼灸經

鐵研齋

甲角如韭葉又云以二稜針刺微出血波諸藏熱
奏不宜灸常用此穴治前證及懸癰乳蛾喉毒喉
風咽疾腫閉等症及頸領忽腫大喉中閉塞水粒
不下針之立愈若有瘀血或脹作脹更須針患處
其功甚速雖暴死氣未絕針之亦活

喉毒懸癰當灸心腧穴不拘壯數待寬即止
愚按發揮五心腧在背第五椎

手少陰心經圖



手太陽小腸經

手太陽之脈起於手小指之端循手外側上腕出際
中臂骨盡處爲腕腕下兑骨爲踝本經起小指端順
而行之其經氣血凝滯發而爲疽依圖治之
侵腦之發正於銳背穴中髮下二三寸太陽中是也其
証之發戰寒霍亂熱頭痛如折雙目引痛是也當灸
支正七壯甚則三七壯

愚按發揮云支正穴在腕五寸

鳳眉之發正於面目之間發而長如生瓜樣者不治
皮赤引腫兩目皆閉侵髮赤腫痛不可忍者是也當

灸陽谷七壯

愚按：發揮云：陽谷一穴，在手外側，腕中，兒骨下陷中。

黑疔之發在於耳中，腫癟連腮，赤腫者是也。當灸發谿七壯。

愚按：發揮云：後谿一穴，在手小指外側，本節後陷中。

鼻疔之發在於鼻內，而引腦門，不能運氣，鼻大如瓶，黑者不治。連牙不得開者亦不治。法當灸腕骨七壯。艾如菉豆大。

愚按針灸經云腕骨二穴在手外側腕前起骨下
陷中

項疽之發在於項中當脊不能回顧腫連兩耳者是
也當灸天宗七壯艾如菉豆大

愚按針灸經云天宗一穴在乘風後大骨陷中
肩風之發在於肩上青腫者是也甚者竊連胸腸當
灸肩貞七壯


愚按針灸經云肩貞一穴在肩胛下兩骨解間肩
頸後陷中

馬口瘡生鼻下腫痛大如馬口當灸掌後五寸半七

十壯火爆爲度

愚案掌後五寸半諸書皆無此名蓋秘法也

手太陽小腸經圖



足太陽膀胱經

足太陽之脈起於目內眞上，額交顱上目大角爲內
毗髮際前爲額，腦上爲顛，顛頂也。足太陽起於目內
眞通晴明，傳攢竹，遇神庭，歷曲差五處，承光通天，針
行左右相交於顙上之百會，復流於督脈之交會也。
後流飛陽交會之際，其經氣血凝滯而發爲癰者尤
當隨證治之。

玉枕之發，在於枕後髮中，腫起痛引鼻塞者是也。當
灸風門三十七壯，艾如棗豆大。

愚案針灸經云：風門一穴，一名執府，在二椎下兩

旁各開寸半

發疽之生於當背脊外兩旁，堅赤而腫，在於督肓穴，相近者是也。治法灸心臟七壯，艾如粟豆大。

愚按針灸經云：心臟一穴，在五椎下兩旁各寸半，背疽之發其證有五一日，發背二日，氣發三日，蓮子發四名，荷葉搭五日。脊發治之當視其色赤腫易治，黑陷莫治。須觀得症，用令生身，則生，死身，則死。假如春木青如疽黃不治，夏令火疽反黑亦不治，餘皆倣此。如得疾急，當騎竹馬法灸一十七壯，委陽一十七壯，便毒氣疎通而無滯也。

愚案委陽穴在足臍中外廉兩筋間屈身取之治
腸風痔漏尤效。○騎竹馬所灸之穴乃心脉所過
之地。凡癰疽之疾皆心氣留滯故生此。盡灸之則
心脉即時流通如未成膿者即消雖成膿及潰者
其盡頓減如穴得真誠有回生之功但患者多因
取穴不便不肯用此法故常用隔蒜灸法亦效。如
癰疽發背疔腫惡瘡一二日至五六十日不問痛否
取大蒜切片如二錢厚置瘡頭上用艾壯於蒜上
灸之三壯換蒜痛者灸至不痛不痛者灸至毒
氣自然隨火而散若瘡頭多或腫大者即用大蒜

搗爛攤患處用艾鋪蒜上燒之甚者明灸如漫腫
或未發出瘡頭不明者用紙一片浸濕隨覆患處
視先乾處即是瘡頭大抵氣血壯實或毒火輕者
可假藥力消散或腐潰怯弱之人熟毒中隔內外
不通不行針灸藥無全功矣丹溪云火以暢達拔
引營壘此從治之意即此法也騎竹馬法圖增附
於後以便取用

搭手在右當灸會陽一七壯

愚按發揮云會陽一穴在尾髎兩旁


督脈當灸谷陽五壯

愚案發揮云，合陽一穴，在膝約文中中央下二寸，婦人血崩尤效。

附陰疽當灸，箕嵩二七壯，

愚按發揮云，箕嵩一穴在足外後跟骨上陷中，治風疹風熱冷癧，亦效。

足大陽膀胱經圖



卷之三

騎竹馬圖



取同身寸圖
先曲患人中指用短
箇一根男左女右手
量取橫紋盡處段爲
則子名同身寸

騎竹馬取穴法

將長箇一根，男左女右於患人臂腕橫紋處，名曲池穴。自穴量至手中指相平，截段爲則子。先令病人脫衣以竹杠一條，騎足兩人前後杠起，足要離地兩傍，更以一人扶定毋令動搖。却以前大箇，則子豎杠上，從尾間起，照脊量至則子盡處，以墨點之。却以同身寸則子就於墨記處，兩邊各量一寸半盡處，各以墨點之。即是灸穴，左右各灸一十七壯。

足少陰腎經

足少陰腎之經腎兩枚狀如石卵色黑紫當趾下兩旁入脊督附脊之節十四推下與膚平其脉起於足小指之下斜趣足心又云足少陰起小指之下斜向足心之湧泉上循至咽喉其經血氣凝滯變症有三一曰心口疽二曰齒癰三曰赫癰隨症治之心口疽在當心兩乳之中者是也其疽發而先熱後寒赤腫引脣痛甚宜灸陰谷三七壯艾如棗豆大

愚按針灸經云陰谷一穴在膝內輔骨後大筋下屈膝取之

齒癰之發在齶上五寸許其形長如鷺子令人寒戰

咬牙竅連兩脣當灸築賓一十七壯

愚按針灸經云築賓一穴在內踝上膚分中
筋隣在當脣大如爪突出紅甚如癰癧當灸陰谷七
壯築賓一十七壯


愚按發揮云陰谷二穴在膝內輔骨後太筋下小
筋上拔之應手伸膝乃得之○築賓一穴見前

難經灸經圖

二十三

鐵軒齋

足小陰腎經圖



手厥陰心包絡經

陽字
當作
陰字
之陰
陰字

手厥陰心包絡經起於胸中出屬心包下屬歷絡於三焦上腕中腕臂下一寸爲下焦也傳之分也其支循腋出脇下腋傳於太陰少陰之中存陽明之氣傳注三中之陰陰之陰也故厥陰之中存陽明之氣傳注三陰之所是經血氣凝滯發之爲毒有六治法當詳辨之

胸疽之發在於兩乳之中上二寸許發而頭痛心虛體倦其色赤腫痛引手指者是也當灸郄門一十七壯艾如棗豆大

愚按針灸經云都門二穴在手臂去腕五寸
肘癱之發於肘尖之上不能舒伸令人肩背痛引者
是也當灸間使一十七壯

愚按發揮云間使二穴在掌後三寸兩筋間陷中
又治癰瘍疥瘡頑癬及腹腫痛

蛇頭一疔發于中指甲當項紫黑色痛引心腹甚者
令人口青色急當灸內關一十七壯甚者三十七壯

愚按發揮云內關二穴在掌後去腕一寸又治銳
疽癰癰

魚肚之發於中指中節中者是令人戰寒痛甚徹骨

宜灸谷二十七壯，穴見附圖


足太陽經

合疔一名虎口發於太指予中或小黑色者是當灸

內關間使各三十七壯，一穴

見附圖

手厥陰心包經經圖



手少陽三焦經

手少陽三焦之脉起於手小指次指之端上循手表
腕出臂外兩骨之間上貫肘臂骨盡處爲腕膕盡處
爲肺又云手少陽起於小指次指端開冲穴上出次
指之間歷腋門循手表腕之陽池循至禾髎系竹咽
喉之所復流不竭此經氣血之滯發而爲患有七竈
審治之

頰疔在肉頰骨尖高處是疔寒甚咬牙口不能開
合治法當灸外開二七壯

愚按發揮云外開二穴在手腕後二寸陷中

魚腮之發於耳下平顎中是也發時連牙通裏痛甚灸四瀆三十七壯

愚按針灸經云四瀆一穴在肘前五寸外廉陷中癰之爲證發於耳前半寸其形如鷄子經年不痊膿水長出是也當灸天井三十七壯

愚按發揮云天井一穴在肘外大骨後上一寸兩筋間陷中屈肘得之又云曲肘後一寸又手按膝頭取之兩筋骨隣常治五痔癰瘍亦效

肩疽發於肩上引臂腫赤當灸會宗三十七壯

愚按發揮云會宗一穴在臂腕後二寸空中一寸

繆疽發於肩下腋相連腫者是也灸會宗七壯見前
瘰癧之發在於臂內堅如鷄子按之痛徹骨惡寒是
也當灸腋門三十七壯

愚按針灸經云腋門一穴在手小指次指間陷中
石榴疽發在臂者宜灸天井穴各經有之先腫似碗
後皮翻轉如榴法無可治惟菊華茱萸湯洗淨又用
菊華燒灰入輕粉對和丸敷之未嘗試驗

愚按見破後久則翻如榴實最頑惟隔蒜灸貼神
異膏更服黃芩丸仙方活命飲有効

手少陽三焦經圖



足厥陰肝經

足厥陰之脈起於太指聚毛之上循足跗上廉去內踝一寸足太指甲後爲二毛三毛後橫文爲聚毛相去也足厥陰起於太指聚毛之太敦循足跗上廉行間太冲蠡溝陰中陰器章門食竇雲門百會過而流注蓋其經氣血凝聚外證之發有五內則有氣癖之發亦申肝氣之所滯並附灸法當審而治之

咬骨一疽發於裏股無形作癟蓋毒氣在骨中所發也當灸陰包三十七壯

愚按針灸經云陰包一穴在膝上四寸股內廉兩

筋間

透腦一疽發於當鼻上如鷄子堅硬按之痛連心者
是也當灸膝關一十七壯

愚按發揮云膝關二穴在犢鼻下一寸陷中

陰疽之生在於陰器之左連陰子腫赤痛連小腹者
是也當灸中都二十七壯

愚按發揮云中都二穴在內踝上七寸骯骨中腸
脾下沫諸藥不應灸之即止頑癰或攻腹作痛更
效

玄疽之生在於陰器之右連陰子腫青痛連兩肋者

是也當灸，灸蟲溝二十七壯。

愚按針灸經云，灸蟲溝一穴足踝上五寸。

福疽之生在於陰器之底，連肛陰子腫赤痛，連腰背者是也。當灸二陰交二十七壯。穴見脾經圖

氣癖之生在腹皮裏膜外狀如覆杯者是也。當灸章門二十七壯。


愚按針灸經云，章門一穴一名長平，一名腸膠，在太橫外直臍季肋端側臥屈上足伸下足舉臂取之。

坐馬癰在陰前後中間，在右名下馬癰，在左名上馬

癰在內尖頭者名鶴口能殺人俱灸膝下外廉橫骨
盡處是穴

愚考諸書皆無此穴乃祕法也

足厥陰肝經圖



足少陽膽經

足少陽胆之經。一名膽在肝之短葉間兩葉之中也。重三兩三朱包。清汁三合。足少陽之脉起於目鏡眞內。抵下耳後傳于瞳子。膠循聽宮客主人上至頭角下。懸鍾。此經氣血所滯。傳於肝絡。循於五藏。流注伏逆。腫發有六當審而治之。

馬力之發在耳後。侵入髮際。微肿堅硬。如石甚。有引頂痛也。當灸劖巨。一七壯。在掌後二寸一分。是穴。

愚按劖巨穴。書所不載。蓋祕法也。

挾頭之發。有五曰。血癰肉癰筋癰氣癰石癰。其發在

於耳後下連頸腫起令人頭痛之甚有偏頭痛者不治如此疾者當灸太乙七壯

愚按諸書肘尖穴無載蓋祕法也又治腸癰已成膿即下未成膿即消或下瘀血孫真人云腸癰之症人多不識治之錯則殺人其證小腹腫而硬抑乏則小便如淋時或汗出而惡寒皮膚錯縱腹皮鼓急甚者轉側有水聲或臍生瘡或臍孔出膿或太便下膿血凡有此證宜速灸兩臂肘尖各一百壯如蒸豆大則太便當大下膿血立愈觀孫真人云然愈知此法之妙又云治瘰癧連灸二次可除

病根治霍亂欲死諸藥不効者急灸兩肘尖百餘壯如蒸豆大有廻生之功此法令患人端坐又手平仰肘後突出尖骨是穴醫人在患人後灼艾屢用屢效

瘰疬之發於項耳之間累累如貫珠者是也法當灸金門一壯掌後二寸半是穴

愚考金門穴諸書不載乃祕法也甚效肩尖亦效淵頸之發發於肋下久則一竅有聲如嬰兒啼者是也用膏藥或紙貼只不能作聲去紙仍鳴此之候也異哉難治晒不能也當灸陽陵泉二七壯聲即止而

愈

愚按發揮云陽陵泉一穴在膝下一寸外廉陷中附骨疽發於太腿之側疽微骨寒則痛甚皮膚不腫不赤當灸懸鐘七壯

愚按針灸經云懸鐘一穴一名絕骨在足踝上三寸動脈中

鶴膝風灸膝眼穴一七壯

愚按針灸經云膝眼一穴在膝頭骨下兩旁陷中此證屬三陰不足非灸及太陽風湯火龍膏決不

愈

足少陽膽經圖



所云五肘尖穴在臂內側小尖骨間前圖見外側腕骨
乃盡之恨也故復具此圖以便用者一穴以指申按
之若患處酸麻乃是真穴

肘尖穴圖




百會直鼻上入髮際五寸半是穴灸七壯治龍泉疽
任脉圖



後頭直鼻上入髮際七寸是穴灸七壯治虎頭毒

任脉起於中極之下，以上至毛際循腹裏上關元，至喉嚨屬陰脉之海爲督脈一源而二支，督脈會陰而行背，任脈會陰而行腹。夫人身之有任督猶天地之有子午也。人身之子午爲腹背，天地之子午爲南北，言可以分合也。滯之則發虎鬚龍泉，王氏治當隨詳。

督脈圖



督脈起於下極之俞兩陰之間，屏翳處也。屏翳筋間爲募，募內深處爲下極督脈之始也。滯惟發於魚尾，令人言對口疽是也。當灸神闢一十七壯。

愚考諸書無此穴，蓋祕法也。

六腑不和所生爲癰，五臟不調所生爲疽。

陽滯於陰則生癰，陰滯於陽則生疽。

看內癰疽誤法

癰疽生於外可見者難治，況隱於臟腑者宜乎詳審。生於背脊者，俞穴生於腹內，當看募穴。

中府穴，在乳上三寸，肋間手太陰肺經募，此穴處隱應。

痛而不已者肺中生癰疽也穴痛處內覺微凸起者是也咳嗽喉中醒臭吐痰黃色如米粞槐若抱壞鷄子臭或吐痰瘀血穢血此內漬也初起先以小青龍湯發

散之方在仲景書次以各藥凡內癰疽俱在大使出

膿血椎肺癰從口出膿血經云膿盡則愈膿盡則死

常治潰後脈短濶者生脈洪大者死其心膈之疽在氣分屬上焦宜瓜萎飲子拔毒飲在肚腹屬中焦下焦氣血之分宜桃仁承氣湯薏苡仁湯治之

巨闕穴在心窩下蔽骨下一寸足陽明胃經之募在手厥陰心包絡地方起於胸中此處隱隱內痛心生

癰疽也。痛處肉微凸起者是也。

期門穴在乳下兩肋端足厥陰肝經之募穴處隱隱內痛。肝生癰疽也。痛處肉微凸起者是也。

章門穴在季脇端足厥陰肝經之募穴內隱痛不已。脾生癰疽也。痛處肉微凸起者是也。

中脘穴在臍上四寸足陽明胃經之募穴痛不已。胃生癰疽也。痛處肉微凸起者是也。

京門穴在脅下季脇本足少陽胆經之募穴內痛不止。痛處肉微凸起者腎生癰疽也。

天樞穴在臍旁二寸足陽明胃經內痛不已。太腸生

癰疽也痛處肉微凸起者是也


丹田穴在臍下一寸足陽明胃經穴處內痛不已肉
微凸起三焦生癰乃膀胱之毒也

關元穴在臍下三寸足陽明胃經穴內痛不已小腸
生癰痛處肉微凸起者是也

凡心之下內癰疽腹皮皆甲鎧內如刀刺腹急按之
則濡小便如淋不調發熱無汗惡寒脈遲緊腹脹成
可下有血脈洪數膜已成身無熱腹無積按之濡爲
癰

愚按內癰諸穴具圖于後以便考驗

九發圖



癰疽神祕灸經

終

神驗灸經跋

薛己氏所校選之書有二十四種者或有二十種者或又有十六種蓋此薛氏之意而門生爲類聚而朱之邪抑出后世好牽之採摘邪有於七之上神驗灸經者初薛

已校補而與神驗可併而鍛之而謂二十四種之中不採此書特摭印驗可其意何也此蓋有裨于兩家一蓋他書之比或脫此然則果出好古者之手而非薛氏家之意歟余讀蓋之暇嘗把此書校

正亥承旁副國字而終贈之書賈
且告以舉行之事因識其歲月於
策尾云

富保戊申冬至日

浪華後學古菴佐方教誌

享保十四載己酉夏穀且

皇都書舗 河南四郎右衛門繡梓